


一  
錫集

乾

柳田文庫  
文庫11  
A114a





文庫 11  
A114a

  
 并附錄  
  
  


永錫



雜老

成齋書





老鶴

雲間

嘉慶

松雪

外  
婆

慄  
慄



永錫集序



鄉人朝比宗星塾二子輯家  
君六十一壽序若詩自三都  
諸先生以至清人精究得四  
十餘首請成齋先生名曰永  
錫集以深在先生門也且俾

深一言以廁卷端顧使家君  
德業無可稱道乎深復何言  
若其有可稱道乎諸大人先  
生言之無遺而所輯佳詩名  
文讀者自知之則亦奚待於  
深之揄揚哉蓋壽富寸流不



能鍾諸一身故或富貴終其  
世而世守流以垂於後或流  
高才大而天不假之年立德  
至重矣真其富貴以享一時  
之榮不若壽考而多閱人事  
變遷古云富貴外物安足與

壽考較其福良有以也一日成  
齋先生進深而言曰當予與  
乃父在若黃時海內之士抱  
佛羔者何限而忽三十年其  
存於今者無幾乃父乃能以  
詩書立身既躋周甲之齡猶

原寧世宗者是天永錫之以  
難先以倭遂其志業也而四  
方名流鉅人作為歌詩相贈  
為壽亦皆慶離之情不能已  
焉爾則如此集傳之於家与  
子孫友生永享其錫可也深



聞而私喜已退書其語以寄  
二子為之序



明治十四年八月



內村資深撰并書





青柳  
 明玉樓  
 柳中樓  
 手  
 不









出崎精渚錦織麓莊以其所藏古器物  
設茗醮於青柳樓上且為鱸香先生壽  
此圖乃天竺漱石所就而模寫者

永錫集

星野文淑

編輯

朝比奈健助

星野豐城

名世恆正七位  
四等編修官新  
瀧縣人

鱸香内邨學士壽序

島根内邨子原學於東京。一日來請曰。家嚴

今年六十一。五月八日為攬揆之辰。將開壽筵。賀之。請為賜一言。予曰。子之大人以世為年。今纔躋下壽。乃欲隨而賀之乎。子原曰。敢問何謂也。予曰。吾未知子之大人。然知子之縣令境君仲寬矣。戊寅歲。仲寬至東京。予訪之。客舍。仲寬出文一卷見眎。受而讀之。詞意暢達。能言其所欲言。予問是誰所作。仲寬曰。吾縣庠卒業生內邨資深之文也。生弱齡有

文如此。將以今秋來遊。幸善遇之。予謂自文部改學制。古書束高閣。諸生無復解為漢文者。獨島根之學不然。此非教官酌古今之宜。慎本末之序而善導之。焉能致此。因問教官姓名。仲寬曰。名篤斐。字子輔。號鱸香。即生之父也。予心記之。聞其少時學於昌平黌。從伊地知岡諸先輩而問之。頗得詳其平生。夫島根之為縣。管國五。口百餘萬。其上縣庠者不



下數百千人。子之大人言諭而躬化之。才俊者奮。昏愚者勵。同期於成。如吾子之夙達。雖由乎資質之美。亦唯旅進旅退而得之。非大人有所私焉。則此數百千人者。皆將同有得於大人之學德也。傳有之。君子之澤五世而斬。小人之澤五世而斬。此就一人之身。汎言流風遺範之所及焉耳。若使其人道隆而德邵。為其子孫若徒弟者。又能繼承而弗墜。雖

百世而存可也。且君子道德文章。與天壤俱不朽。所謂真人入火不熱。入水不溺者。詩曰。如南山之壽。不騫不崩。唯君子有學德者為當之。島根治於松江。背澄山水。而面大山。右突道湖。而左中海。風物明麗。兼有鱸魚。鯉之美。稱為山陰第一勝區。子之大人齡甫及耆。擬彼商周國老。以期頤受天子之饋者。尚在壯盛之年。矧江山以怡目。鱗介以養體。其

元金集  
膺多福而享遐壽。豈有限極。於是乎縣人之  
薰陶成就者加多。而予之所云以世為年者。  
信而有徵矣。子此之不察。而欲遽賀之。豈不  
太早計耶。子原曰。君之言遠矣。資深父子。皆  
不足當。然其所謂不可遽賀者。乃所以深賀  
之。祝壽之典。每十年舉之。吾家慶事。不止於  
此。而君每次賜言寵之。不亦可乎。予曰。然。乃  
次第所與言而贈之。

杉

聽雨

名重華字子華  
從四位宮內大  
輔山口縣人

詠松。以賀鱸香先生六十一壽。

霜風吹凜冽。落葉滿門庭。獨有後凋對。依然  
晚翠青。

重野成齋

名安繹字士德  
從五位編修副  
長官鹿兒島縣  
人

題雪松園。賀內邨鱸香周甲。

孤根未入丁家夢。礪底幽潛幾許時。獨有雪  
花埋不得。一枝猶現歲寒姿。

長松秋琴

名幹字子固從  
五位修史館監  
事山口縣人

鱸香內邨先生六十初度壽詞。今嗣子

原妙齡能文。末句故及笑正。

六十餘齡眼益高。文章今日推才豪。壽康不  
特南山頌。傳得家聲有鳳毛。

川田甕江

名剛字毅卿從  
五位宮內省出  
仕岡山縣人

賀內邨鱸香翁六十一誕辰

壽詞唱和幾篇篇。呼做人間不老僊。繼業有  
兒能養志。彩毫鮮勝彩衣鮮。

巖谷一六

名修字誠卿從  
五位一等編修  
官滋賀縣人

題畫二首。祝鱸香先生六十一壽。

南山有古松。蒼翠四時茂。九莖芝伴之。千歲齊其壽。松芝

老鶴安閑放。寒襟守貞淑。超然塵垢外。同占湖山福。梅鶴

中邨敬字

名正直字敬輔從五位大學教

授靜岡縣人

鱸香先生華甲壽筵。作詩奉賀。

鱸香先生六十一。清德善行多可述。郎君遊

學在東都。乞言將壽誕辰吉。常疑年纔踰弱冠。心志堅牢語老實。不似世間少年凌。負才恃氣意驕逸。尤驚文章超等輩。才華煥發有氣骨。此豈無由而然耶。果知庭訓有自出。渥洼元是神駿姿。豫章素具棟梁質。交游堪為砥礪資。紛華肯奪貞白節。我觀郎君望非小。其學欲兼綜本末。應知大器期晚成。衣錦榮歸志可達。他日其必及見之。吾復得欣然執

筆。先生百歲我九十。上堂極歡或有日。

金井金洞

名之恭字梧樓  
從五位太政官

歲辛巳夏五月之吉。錄舊作。祝鱸香翁

還曆之壽。

腰纏不用到揚州。何復吹笙緱嶺游。一入蓬萊僊夢穩。瑞雲琪樹伴千秋。

股野藍田

名琢字子玉從  
五位太政官大

書記官兵庫縣  
人

內邨鱸香翁壽言

人生養壽在清虛。逃世松江樂有餘。百尺竿頭何所獲。豈唯巨口細鱗魚。

藤野海南

名正啓字伯迪  
從六位三等編  
修官愛媛縣人

賀鱸香先生環曆之壽

風飄羽帳動祥雲。玉笋鳳簫天外聞。自是僊

姿長不老。洋洋聲裏度昏昕。

伊地知恆菴

名貞馨三等編修官鹿兒

鳥縣人

鱸香內邨先生六十一壽詞

茗溪一別隔西東。聞說齡高德益隆。闔境父兄皆豹變。百家經史盡冰融。慶筵人寄詩書畫。雅頌聲和角徵宮。聯袂探芳如昨日。眼中猶認舊時空。

西尾鹿峰

名為忠字叔謀正七位宮內省出仕京都府人

奉賀鱸香先生華甲榮壽

賀賓無箇不名流。松翠春圍萬卷樓。延壽何唯僊鶴是。傳家經業自千秋。

南摩羽峰

名綱紀字士張文部省出仕福島縣人

賀鱸香君周甲

詩書涵其德。風月養其神。育英報家國。下帷  
松江濱。文翁曾化蜀。鄭公又杜門。教誨何孜孜。  
生徒自彬彬。況有阿戎在。才學夙超倫。是  
父而是子。箕裘業長新。聞君週甲宴。及此春  
風辰。九如歌已古。鶴飛曲亦陳。為君何所詠。  
一門桃李春。

日下部鳴鶴

名東作字子  
暘正五位滋

賀縣人

辛巳四月。錄舊作。祝鱸香翁六十榮壽。  
前山月欲生。吟眺憑高閣。知是鶴歸栖。松頭  
片雲落。

岡

三槁

名守節字子和  
正七位太政官  
權少書記官山  
縣人

祝鱸香老契六十一壽

幅巾藜杖聊三徑。琪封瑤花别一天。

木原老谷

名元禮字節夫  
琦玉縣師範學

校長茨城縣人

祝內邨鱸香。環曆壽。鱸香為予昌平黌友。一別三十年。杳絕耗息。頃令嗣子原遊學東京。馳書云。僕翁今年六十一。乞諸名流詩文祝其壽。非得先生一言不可。顧余亦迫耳順。文思枯涸日甚。不知以何祝鱸香。惟喜舊交之無恙。不可默止。便賦一絕以塞責。鱸香一見。笑予詩

老益拙也。

清俸拋來謝俗緣。遐齡占斷風月天。鏗金戛玉詩千古。眉壽何啻屆百季。

秋月韋軒名胤永字子錫福島縣人

題富岳圖。頌內邨老臺榮壽之喜。

手寫名山贈故人。不騫豫卜勝仙椿。連床在學尚如昨。已是華年初度春。

堤 靜齋名正勝字威卿靜岡縣人



壽鱸香內邨老臺六十一初度  
脫却紛紛榮辱閒。超然歸卧舊青山。同窗名  
士多抱紫。不識幾人占此閒。

大鄉學稿名穆字穆卿石川縣人

祝鱸香先生週甲

萬卷圖書一箇觴。知君養壽有佳方。豹斑無  
變元因霧。松操不凡全為霜。恬澹年逢周甲  
子。昇平世閱小滄桑。天涯我亦從今老。擬慕

仙風醉瑞漿。

畫山水。辛巳春日寫以祝

鱸香先生周甲

岡本韋菴名監輔德島縣人

聞鱸香內邨先生開還曆宴。賦一詩奉  
賀。會塵事蝟集。不能構思。錄舊製奉汗  
清鑑。

吾營學舍豈徒哉。要養擎天拔地才。不管弱

妻多口舌。且喜俗子少請哀。海風八萬有餘里。嶽雪二千五百回。都入雙眸無所碍。亭亭獨立觀音臺。

龜谷省軒 名行字子臧長崎縣人

辛巳三月錄舊作。賀鱸香詞宗初度。併請雅正。

珠簾潭潭坐涼堂。誰知間愁煎肝腸。金鞭隆隆奔駿馬。纔值蟻蛭躓且僵。黃金撐斗亦何

用。鑄山煮海百季忙。世事浮雲吾豈羨。花天酒地別有鄉。紛紛桂子秋月白。倚欄一笑聞天香。

大沼枕山 名厚字子壽東京府人

鱸香翁壽言

耳順纔過健自如。壽筵最喜俗音疎。從今七八堪開秩。周甲吾言是老初。

小野湖山 名長愿字侗翁滋賀縣人

詠松寄祝鱸香內邨君六十一壽

老松偃蹇礪之阿。分與枝條借薜蘿。捧日擎天值有力。風霜雖慘柰君何。

森 春濤 名魯直字如戟愛知縣人

鱸香先生六十一壽言

歸來無夢及東華。二萬閑錢付酒家。明月扁舟秋正好。不教夫子出蘆花。

成島柳北 名弘東京有人

錄舊製壽鱸香翁華甲一周

琴書娛了淡生涯。豈望門閭容駟車。細雨微風春欲暮。一棚露放紫藤花。

神波即山 名桓愛知縣人

題古木竹石圖賀鱸香老人六十壽。

無花古樹不知春。石丈唯存面目真。擷雨舞風全勁節。果然瘦竹似幽人。

平山椒垣 名寬字子容種子島中學教授

唐兗烏縣人

辛巳春日。壽鱸香內邨先生周甲。余近日與令郎子原君相識。因得悉先生特行竒節。故詩中略述之。

一夜燈前焚諫章。江湖歸去樂初長。移他經國安民略。試此長生不死方。楊柳門常繫詩舫。桃花水好問仙鄉。有兒早已傳家學。乃父祇應弄酒觴。

款野和庵

名由之字禮卿  
新瀉縣人

奉壽出雲內邨鱸香先生華甲

碧雲湖闊節君峙。近對遙帆映江市。松江勝名久耳聞。地靈且知出偉士。昨余來京叩校門。同遊得友字子原。才識超倫學有素。云是薰陶賴令尊。令尊先生儒雅粹。雲中才俊悉成器。知得天公留先生。與名山水競秀異。起自岷戶參國謨。老拋官爵育學凌。子弟一千

書萬卷。鱸香堂開臨大湖。講帷散時自閒適。丹桂樹下移吟屐。無端句成笑解顏。喜色湛然對湖碧。先生風骨老崔嵬。今春華甲壽筵開。頌辭豈啻傾海內。能文獻壽有老萊。欲奉仙觴侍霞帳。不遠千里西歸養。想見高筵筵始張。滿堂春風彩衣颺。於戲此兒而此親。清福如斯有幾人。大椿萬六未足道。一門桃李占斷春。余已遐方仰風者。況於令嗣交誼荷。

可無一篇賦九如。只愧菲才詞筆野。松苞竹茂屬陳凡。一片以之表微忱。清表依然百千載。節君山峙碧雲深。

宮原易安

名龍字子淵京都府人

內邨兄寄書云。今茲週甲將開壽筵。幸惠一言。余匆忙不遑構思。因錄舊製自壽七首之一以塞責云。數年前。余亦曾開壽筵於東山。當時諸子來賀。乘醉合

作書畫以盡歡。如詩中所云。想兄壽筵  
光景亦必如余當日也。一祭時在歲之  
辛巳梅雨月下澣。

傾盡南山酒幾罇。俊髦餘興托毫端。龍騰虬  
躍驚風雨。松茂竹苞描歲寒。

賴 支峰 名復京都府人

辛巳五月賦小詩。賀內邨盟臺華甲誕  
辰。

夙避塵寰奔競日。家山講道義終存。羨君涵  
養延天壽。始識文行似古人。

藤澤南岳 名恆字君成大  
阪府人

賀內邨鱸香君六十。聞君有令子。故及  
吸露餐霞齡自長。青山深處寄幽芳。最歆錫  
類天恩渥。續續階庭漲國光。

濱名白塢 名保命字子崇  
大阪府人

辛巳春仲寫青綠山水圖。併題小詩。以

奉賀鱸香内邨先生華甲。兼希郢正。

養老牙籤只是明。澹心如水冷於僧。園存松  
菊陶彭澤。鄉美萼鱸張。季鷹書聲兼鳥語。常  
和山色與湖光。共激今春華甲人。張飲願壽  
高齡猶幾層。

寺西易堂

名鼎字子善大  
阪府人

賀倉山内邨先生榮壽

不愁頭上髮斑斑。老得清閑真是閑。佳事勝

情多晚暮。夜花殘月夕陽山。

澤田白山

名世範字子錫  
大阪府人

鱸香内村君周甲子。需詩古人云。心情  
多少。在六十二三人。回及之。

欲祝遐齡何所陳。世間徒唱栢將椿。修身併  
得治家訣。君是心情多少人。

奥野青溪

名温滋賀縣人

松泉雙鶴圖奉賀

鱸香內邨先生環曆

黃

鈞選

名錫銓舉秀才  
清國嶺南人

光緒七年元宵節。余於岡鹿門先生坐  
中。得識烏根內邨北涯君。玉映華年。聲  
蜚綺歲。心焉愛之。尋讀其文。并出示其  
尊人鱸香先生行述。知其得益於庭訓  
者深也。北涯徵詩壽先生。余雖未識先  
生。而見鳳毛麟角。已知家國之祥。况懿

行偉績。昭昭在人耳目乎。爰賦二律。以  
誌瞻韓之思。竝希指正。是幸。

讀書經世孰兼優。海外今聞第一流。造士有  
方通史漢。尊王大義本春秋。湖州舊業雙齋  
啓。諸葛英名一疏留。欲把黃金勒鑄祀。多君  
盡洗腐儒羞。

鐘鼎山林兩有成。碧雲湖畔寄吟情。生無建  
白士何用。業可傳家山亦名。時過故宮酬俎



豆更無片刺謁公卿。蒼蒼貽汝應多福。雛鳳  
聲偕老鳳清。

閔翰山名種默正三品  
參判朝鮮人

內邨鱸香大人斤正

黃梅雨候晚風微。十里過從路不違。閒情井  
橘香凝研。喜氣庭蘭彩拂衣。此日開樽盃灑  
灑。行年回首夢依依。此會明年應似昨。相憐  
白髮易斜暉。

洞雲田水雨霏霏。高士幽居計不違。有子半  
娟鸞鵲峙。同庚邂逅矩足依。山樓碧對題詩  
句。京洛紅塵不染衣。一曲鶴南橫短笛。懷人  
東閣又斜暉。


內邨鱸香

六十一初度。次家藏史可法書幅陸老  
年伯母六秩壽詩韻。

六十一年初度辰。遭逢聖世仰絲綸。原來瑣  
尾庶民子。亦是昇平一士人。誰把瓊瑤作祥  
瑞。我將書畫代龍麟。請看諸彥多投頌。更覺  
今朝面目新。

永錫集 終

子



永錫集 附錄

坤

二冊  
リツ  
す


廿歲重逢接紫眉  
桂花黃雪照書帷  
駐門人是多名士  
圍座官時共壽杯  
古十至湖山晴入畫  
一牋華硯兩催詩  
君云不秋風空飽  
龍鱗萬羨柳味宜

題倉山書屋圖

易堂景



倉山書



刁金集


屋

壬午春

作於松江

雲次

易堂



刁金集

二

永錫集

附錄

內邨資深敬述

家君六十一述略

此文子原所因黃秀才之求而草也以其可槩見鱸香先生六十年來之事歷附錄於此

編者識

家君名篤棊。字子輔。別號鱸香。世居松江藩。先大父諱養中。字儀八。有三子。家君其第三子也。幼聰慧。好讀書。雖院本裨史。一披之。不

終卷不釋也。初大父業醱油。後釀酒。家務甚劇。家君日擔酒出入城內外。而無暇讀書。比年十八九。大父始許就某寺老僧受論語詩經句讀。此時幕政猶盛。尊卑懸隔。士民之分尤嚴。是以農商子弟偶有事文學者。羣聚嘲諛。以為踰分也。家君不少顧。已而家事益劇。不遑至寺。偶得太宰氏和讀要領。一讀歎曰。讀書之法在此矣。於是理家暇輒讀。未幾盡

簡勁至極

細緻古峭

讀六經文選及左國史漢諸書。有疑義必博考深思。明晰而後止。先祖母常語人曰。彼終非酒家兒。當其得暇讀書。夜分不輟。良人或睡覺。就滅其燈。則候復睡。點燈復讀。以達旦者數。吾嘗憂曰。以生病。面戒之。彼請曰。此一事。兒樂而不知勞。願勿以為念。聞者莫不竒之。弘化元年十一月。家君年二十四。遂決志求師友。上京師。游貫名海屋先生之塾。踰一



年。至浪華。入筱崎小竹先生之門。嘉永四年四月。赴東都。從佐藤一齋。安積良齋諸先生於昌平黌。今深之所受業。若重野成齋。水本澍堂。秋月韋軒。岡鹿門。南摩羽峰諸先生。皆當時同學友也。安政二年七月。歸省親。時大父既歿。祖母壽六十有一。乃與昆弟謀。開筵上壽。將復行。有讒于藩吏者。曰。內邨生以商民之子。入大府之學。是必矯稱藩士也。因不

上下文關紐

許出境。京阪諸友。或有貽書勸潛出者。家君不欲違藩命。而傷母心也。終不出。后二年餘。有命。不許至東都。餘聽其所往。因再游浪華。博交名流鉅人。而生徒來問業者亦多。遂止而下帷。當是時。通商事亟。幕政漸衰。諸藩之士。盛唱尊攘之說。而幕府警防甚嚴。所親善若松本奎堂。橋本香坡諸氏。一時得禍者頗多。薩人高橋祐二郎者。最為幕吏所指目。逮

捕甚急。高橋窘蹙。遂投家君齋藤街僑居。握手敘歡。詩酒談笑。自朝至夕。家君為倩從者一人。授以所藏槍。使執以從。高橋。紹吏曰。是西國藩士歸鄉者也。投明石船以逃。臨別。固約再會謀事。去未幾。與幕吏戰于生野。敗死之。既而松江藩學之儒負。藩侯遣人召家君。家君不欲仕。辭不還。使者三反。遂不得固辭。乃賜俸十口。入士籍。列儒員。時元治元年。家

絕大眼孔絕大  
經術

君年四十五。初藩學專講經義。久之。學者徒抱四書集疏。屑屑訓詁。以終身者。往往有之。家君以為士不可不明古今事。苟不明古今事。雖解經義。將安用之。況區區於字句間乎。儒負有谷左織者。與家君同論。乃使子弟并講經史。助以子集。當時號為儒士者。爭起咎之。曰。以史教子弟。將失放蕩。家君不甚辨。講史學益力。而羣議亦漸定。亡幾。為修道館訓

導。既而進助教。兼兩君侍講。遂至少教授。給秩八十石。列組外格。而祖母之言果驗。明治元年正月。伏見變起。諸藩各修兵備。藩侯徧召諸臣。議向背。衆皆以藩侯為幕府親族。難言尊王。依違久不決。家君從容進曰。君侯守藩。為幕府乎。為王室乎。苟知其所為。則大義滅親一語。足以定今日之議矣。議遂決。二年四月。設議事所於城內。議行政得失。命家

讀書之效至此  
發洩

尊王之功當推  
第一

君為督議。家君辭曰。臣以文學名。當以文學事。吏事非所與知也。而藩政多事。竟不得辭。乃請間數日上廳視事。數建議矯弊政。三年十二月。陪世子君上京師。一夕語從。臣某曰。察方今之勢。封建之改。必不遠矣。宜速上表奉還藩籍。勿使諸藩先我。某以無主命難之。家君曰。勢已如此。何為遲疑。且世子君在焉。某曰。善。家君乃草表白世子。別遣人齎還本

藩白狀。即繕表上之。當此時。上還籍表者。薩長土肥之外。有二三藩耳。朝廷嘉之。優詔褒獎。藩侯亦得報大喜。今明治新史所載。松江藩侯表。即此也。松江藩既廢。為島根縣。縣設中學。復延家君掌教。先是家君歸自浪華。後卜居於西茶街。開家學。教授生徒。迄今幾二十年。未曾一日廢講習。廢藩後。入門者益多。而年五十餘。老矣。不欲復出。縣請而不心。

遂兼掌家學縣學。日中分時講習。歲以為常。家君為人謹敕。幼時讀貝原氏養生訓。起居飲食。一取法焉。數十年如一日。後有人語以西洋攝生方。審之。偶有精于舊法者。輒從之。深嘗請問。母乃違養生訓乎。家君曰。聞善而不從。聞不善而不改。何為乎讀書。而乃欲先入為主耶。初藩侯之名。家君至也。問以為學之旨意。對曰。聖賢之道。載在書冊。則為學者。

不可不由讀書。然學問之為言極闊大。若徒以讀書為學問。則隘矣。蓋欲為學。故讀書。非欲讀書。故為學也。藩侯大悅。欲大用之。而家君每避讓。終以一儒士至廢藩之時云。所居臨碧雲湖。面角盤山。階前老桂五六株。花時招好友集童冠。詩酒談笑。藹藹如也。故人亦樂就焉。生平著述。有倉山堂詩文通鑑擊要補註。竝未刻。家母姓佐野氏。無子。養深為嗣。

鱸香翁以詩書起門第。以經術定國計。刻苦勵志。卒能隱樹扶危。定亂重新。日月之功。始既不蹈蒲生諸子之禍。後亦不聞貪天蒙賞之聲。其明哲保身。去就自然。尤有絕大本領。北涯所述。質實簡明。敘議有法。可以揚名父之徽。傳後世之信。天眷吉人。其後必大。既欽佩

之復殷冀之。

光緒辛巳六月

嶺南黃錫銓拜識

內邨鱸香

四月詩會與塾生分韻得東。遂逐次至  
咸。一夕間得三十首。一時率意之作。無  
次序無變化。固無可觀者。然亦足見我  
平居情狀。故錄以示之。

徒過六十一春風。學術空疎與舊同。慚愧諸  
君尚年齒。侑杯推我衆賢中。

回頭弘化改元冬。負笈他邦師是從。徒志四

南摩羽峰評前  
半夫子自道

堤靜齋評若輩諸友分處四方不得見者指不遑屈時或思之殆不堪今昔之感今讀此篇不覺愴然

中村敬宇評每首饒情致

羽峰評吾兄有賢德所以諸賢投瑤什也

羽峰評其迂疏却可貴

靜齋評人生至樂

羽峰評高於人幾籌

靜齋評溫厚中微露俊氣可充

先生肖像

羽峰評舊友中人如君者果有幾

方年已老。依然鄉里一凡庸。

四方英俊舊同窗。共剔書燈影作雙。一別悠

悠隔千里。夢追西國又東邦。

朝昏誦詠少陵詩。文是昌黎韓退之。自識汗

流僵且走。由來英蠢是天資。

不愁財產我貧微。子弟相和家正肥。更有諸

君投壽頌。滿堂屏障發光輝。

記

財產貧微何遜詩語家肥出禮

自嗤迂拙未拋書。又把長竿學釣魚。世人若

問吾名號。須答松江一老漁。

無田無祿一寒儒。自分平生守我愚。看讀纔

終更無事。茶烟滿榻對庭梧。

自識疎狂與世睽。湖邊茅屋占幽栖。老來唯

守斯文業。一片素心曾不迷。

桃李薰濃月亦佳。抽毫弟子集茅齋。吾人豈

敢論工拙。詩就輒能伸雅懷。

敬字評令郎以  
餘力學蟹行書  
其進步之速使  
人活目雖然余  
保其不入于輕  
浮者流而益崇  
孝弟敦樸之風  
也

羽峰評亦是董  
子三年不窺園  
之意

敬字評曰身安  
曰心閑上界真  
人之福不是過  
也  
羽峰評王侯難  
換此樂  
羽峰評其高尚  
雖柴桑處士不  
能過也  
靜坐評二首直  
攄胸臆而高致  
清風自不可掩  
妙手

幾歲他邦頻往來。收囊曾自浪華回。賤兒亦  
有四方志。負笈東京在駿臺。兒從重野先生  
學先生宅在駿  
臺河  
一卧松江二十春。寒儒亦是老風塵。當時諸  
彥知多少。悉作東西南北人。  
未讀蟹行蚊脚文。且依翻譯義纔聞。愧吾碌  
碌安株守。起望長天萬里雲。  
侵曉兒童來叩門。討論時或至黃昏。東郊已

過花時候。且賞殘芳向小園。  
明知世上官途難。又恐優游作素餐。日集兒  
童談孝弟。一間書室托身安。  
養我幽情不必山。茅齋結得在人寰。園栽花  
竹亦成趣。寄傲南窓心自閑。  
從游學士盡青年。各鬪才華孰後先。愧我坐  
中齡最老。病癰如鶴髮皤然。  
老來猶自事蟲雕。只覺光陰箇裏消。試賦新



詩意猶澁。輸他鶯語獨諧調。

懶向人間賦解嘲。鷓鴣自結一枝巢。此中雖

陋足投老筆硯。依稀猶未拋。

我德未修年已高。鬢邊添得幾霜毛。唯存一

事快然樂。多少及門皆俊髦。

二十年前泛漢河。櫻花如雪點晴波。當時諸

彥多吟咏。最憶東翁數曲歌。藤澤東咳翁善七絃琴是日同

游

靜齋評靈心妙腕不可企及羽峰評足於內者不求於外羽峰評吾輩之樂莫樂於此樂

既羽峰評無限感

羽峰評清楚無塵

敬字評足見平生心期所在羽峰評人間幸福於是乎極矣

丹桂成叢。是我家。梧桐亦有掩窗紗。綠陰濃處。移吟榻。一帙縹緗。一鼎茶。

映軒山色與湖光。是我平生無盡藏。况復壁

閒名筆在。祁佳史法又徐枋。歲幅中祁身佳史可法徐枋所

景寶

六旬無恙值王正。且啓壽筵佳客迎。樂奏八

音非我事。林間鶯語是琴笙。

幾株高桂植幽庭。葉似琅玕青更青。請看四

羽峰評可謂能安分者

羽峰評真是書生情狀

重野成齋評兒子耽學最是清福

時佳色在不惟秋月賞芬馨。  
除却讀書渾不能。生涯宜托一青燈。身生羽翼終無用。休說天池九萬鵬。  
華曆今春正一周。自甘壯志竟難酬。家人只說家翁壽。無事無災至白頭。  
舶來書帙漸成林。誰識囊中無一金。唯使此間身優老。不妨呼蠹又呼淫。  
不事耕耘不養蠶。一家兒子學之耽。携書來

羽峰評德不孤必有隣

敬字評著此一詩江山百里另開遠景妙甚成齋評結末二首前是安心之法後則俯就之教曲終奏雅一唱三歎

訪亦同志。觸耳渾無里巷談。  
閭閻地狹亦何嫌。畢竟安心在養恬。試啟南軒江百里。波光瀲灩入疎簾。  
凌兢瘦骨聳松杉。至老自然威且嚴。來就膝前無所畏。先生修德竟從凡。

率意無飾。似偈似頌。似譚話。老大韻語。  
自然入趙雲菘一流。

辛巳十一月十九日

社弟 重野安繹妄評

辛巳晚秋

靜齋堤正勝僭評

余嘗與內邨翁同學于茗黌。朝講經。夕論史。相親如兄弟。既而一別千里。不相見殆三十年。以余思翁。知翁亦思余不

措也。今幸誦此篇。猶視翁矣。

明治十四年十一月

南摩綱紀僭評

語語自肺腑出。而自有巧處。不可掩。所謂足見我平居情狀者。信矣。

壬午四月念一日

中邨正直妄批



各國發賣書房

島根縣下松江、川岡清助、一年舍、有田傳助、  
稻吉吉藏、全濱田、安達幾太郎、岡山六兵衛、  
全益田本郷丸、見鶴滿津、全大森、松尾隣、影  
平大吉、全米子、今井兼文、村上齊二郎、高島  
晋太郎、全平田、西尾佐助、全直江、藤井猪之  
介、同今市、石原傳吉、米山惠十、野津嘉一郎、  
全末次、小西宇十郎、全加茂、伊原榮太郎、全

安來足立、

西京、田中治兵衛、福井源二郎、佐木惣四郎、  
大阪、松邨九兵衛、柳原喜兵衛、前川善兵衛、  
吉岡平助、塩冶芳兵衛、  
東京、山中市兵衛、稻田佐兵衛、北畠茂兵衛、  
東生龜治郎、東崖堂、小笠原書房、丸家善七、  
北澤伊八、江島喜兵衛、



010190525576

